



Publicaziuns dalla vischnaunca, jamna 18

Damondas da baghegiar

2021-1031.000

Datum dalla publicaziun: 7 da matg 2021

Il patrun: Paul Hecht, Martinsgrund 120, 4634 Wiesen

Object: Remplazzament dil scaldament entras ina pumpa da calira d'aria, nova formaziun dil curtin e niev indrez fotovoltaic, parcella 2212, Via Carcarola 3, 7180 Disentis/Mustér

2021-1032.000

Datum dalla publicaziun: 7 da matg 2021

La patruna: Petra Brühwiler, Via Calundis 14, 7013 Domat/Ems

Il representant: Odoni Architektur, Via Calundis 14, 7013 Domat/Ems

Object: Engrondaziun dalla surfatscha da habitar digl edifeci nr. 549C, parcella 3558, Prau Sura, 7182 Cavardiras

2021-1033.000

Datum dalla publicaziun: 7 da matg 2021

Il patrun: Andrea Betschart e Fabian Fry, Via Lucmagn 7, 7180 Disentis/Mustér

Il representant: huonder bisquolm architects sa, Via da Scola 18, 7180 Disentis/Mustér

Object: Construcziun nova d'ina casa d'ina famiglia cun ina garascha integrada, parcella 428, Gassa da Cuoiz 11, 7186 Segnas

2021-1034.000

Datum dalla publicaziun: 7 da matg 2021

Il patrun: Prof. Dr. Johannes Demmer, Hospitalstrasse 1, D-42553 Velbert

Il representant: Biro d'architectura Rico de Castelberg, Via Alpsu 2, 7180 Disentis/Mustér

Object: Engrondaziun dalla surfatscha da habitar digl edifeci nr. 739, nova pumpa da calira cun sondas geotermicas, parcella 1102, Via Muot Selvaun 16, 7186 Segnas

– Il plans da construcziun ein deponi tier l'administraziun communal.

– L'investa publica cuoza 20 dis dapi il datum dalla publicaziun.

– Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2028.000

Corsin Bundi SA, Via Sogn Gions 2, 7180 Disentis/Mustér; sanaziun dil tetg da stuors, edifeci nr. 91B, parcella 2086, Via Sogn Gions 2, 7180 Disentis/Mustér.

Nr. 2021-2030.000

Proprietad en condomini parcella 1107, Via Muot Selvaun 2, 7186 Segnas; sanaziun dil mir e dalla seiv, parcella 1107, Via Muot Selvaun 2, Peisel, 7186 Segnas.

Nr. 2021-2031.000

Alfred Spescha-Solèr, Via Veier 6, 7180 Disentis/Mustér; modificaziun dil terren, parcella 3358, Quadras, 7180 Disentis/Mustér.



Nr. 2021-2032.000

Pleiv roman catolica Disentis/Mustér, Via Sogn Gions 8, 7180 Disentis/Mustér; sanaziun dil tetg dalla caplutta Sontga Gada, parcella 2834, Sontga Gada, 7180 Disentis/Mustér.

Nr. 2021-2033.000

Simon Deflorin, Via Davos-Mustér 5, 7180 Disentis/Mustér; remplazzament dallas portas-garascha, parcella 854, Via Davos-Mustér 5, 7180 Disentis/Mustér.

Nr. 2021-2034.000

Rita e Roland Maissen, Via Cavivens 14, 7172 Rabius; colurar las fatschadas ed il balcon digl edificci nr. 635, parcella 3304, Cavorgia Sura, 7183 Mumpé Medel.

Nr. 2021-2035.000

Wendelin Jacomet-Di Nolfi, Via Sogn Valentin 22, 7183 Mumpé Medel; sanaziun dil mir da sustegn e dalla scarpa, parcella 1078, Via Sogn Valentin 22, 7183 Mumpé Medel.

Uffeci da baghegiar Disentis/Mustér

Cussegl da vischnaunca

Rapport dalla seduta dils 30-4-2021

Venderdis, ils 30 d'avrel 2021 ha giu liug ella halla Cons la tiarza seduta dil cussegl da vischnaunca dalla perioda d'uffeci 2021/2024. El center dalla seduta ei stau l'approbaziun dil quen annual 2020, il plan da finanzas 2021–2030 ed in sbassament dil pei da taglia.

Il cussegl da vischnaunca sut l'egida dil **president dil cussegl da vischnaunca Giusep Lozza** ha approbau venderdis sera unanimamein il rapport da gestiun ed il quen annual 2020. Plinavon ha il cussegl da vischnaunca dau suatientscha alla proposta dalla suprastonza communal da far in deposit dad 1,2 milliuns francs ella prefinanziaziun per la sanaziun cumplexsiva dil Center Fontauna. La suprastonza communal ha saviu presentar in bien quen cun in'atgna finanziaziun da 2,17 milliuns francs ed investiziuns nettas da 920715 francs. Suenter haver risguardau tuttas amortisaziuns, ils cuosts extraordinaris e la prelevaziun ord finanziaziuns specialas ei restau in gudogn da 85905 francs.

Il cussegl da vischnaunca ha priu enconuschientscha ed ei satisfatgs dalla nova planisaziun da finanzas che sebasea da niev sin la media dall'atgna finanziaziun (cashflow) dils davos tshun onns. Aschia seprenta il plan da finanzas pli datier dallas cefras realas. La suprastonza communal ha adattau quel a vesta dallas grondas investiziuns ch'eiin previdas ils proxims onns.

Sin la fatschenta ch'ins ha spitgau il pli vess ei stau la discussiun davart in eventual sbassament dil pei da taglia. Dapi igl onn 2008 ha la vischnaunca in pei da taglia da 120% dalla taglia cantunala semplia. Ils 14 da november 2019 ei vegniu instradau ina cumissiun per analizar las finanzas ed intercurir differentas pusseivladads da sbassar il pei da taglia. La finfinala ha la cumissiun en concordanza cun la suprastonza communal proponiu al cussegl da vischnaunca da reducir naven da 2022 il pei da taglia en in'emprema etappa per 5% sin 115% e da mintga dus onns analizar da niev in ulteriur sbassament dil pei da taglia. Quella proposta ha dau pauc discussiun ed il cussegl da vischnaunca. Encuntercomi ei vegniu fatg ina proposta ord las atgnas retschas da **cusseglier Ignaz Venzin** da reducir il pei da taglia per 10%. Quella proposta ei vegnida sustenida cun 9 encunter 5 vuschs. Aschia ha il cussegl da vischnaunca cun gronda majoriad decidiu da suttametter la proposta d'ina reducziun dil pei da taglia per 10% sin 110% alla votaziun all'urna dil settember 2021.

Ultra da quellas fatschentas ha il cussegl da vischnaunca concediu unanimamein in credit supplementar da 63900.– francs tiel project dalla Via Lucmagn. Quel ei staus necessaris per saver cuvierer ils cuosts supplementars ch'eiin vegni caschunai en vesta da quella sanaziun.

Suprastonza communal



Referendum facultativ

A caschun da sia seduta dils 30 d'avrel 2021 ha il cussegl da vischnaunca approbau unanimamein il rapport da gestiun ed il quen 2020.

Conform ad art. 21 lit. a dalla constituziun communal da quella decisiun suttamessa al referendum facultativ. Il messadi davart quella fatschenta ed il quen 2020 ein exponi per investa en casa communal (stanza nr. 10). Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Serrada via d'uual Plaunca Su–Pardi

Las lavurs da construcziun en connex cul project da reparar e rinforzar la via d'uual Plaunca Su–Pardi entscheivan **gliendisdis, ils 10 da matg 2021** e cuozan entochen igl atun.

Duront il temps da baghegiar sto il tschancun dil plazzal da construcziun vegnir serraus pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari Berther Bau und Industrie AG, Ibrahim Bajraktaraj, 079 433 13 10.

Per contonscher ils mises a Plaun Menisch exista la pusseivladad da carrar sur la Val da Segnas.

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Serrada via d'uual Run, tschancun Marietta–Sils Bletschs

Las malauras digl october vargau han caschunau donns vid differentas vias d'uual. Las reparaturas da quels donns ein urgentas e necessarias per saver garantir per tut traffic la segirtad da carrar.

Pil tschancun da Marietta entochen Sils Bletschs cuozan las lavurs naven da **gliendisdis, ils 17 da matg 2021 entochen ils 25 da zercladur 2021**. Per saver terminar las lavurs sil termin sto il tschancun numnau vegnir serraus pil traffic motorisau duront il temps da baghegiar. En cass da viadis urgents en favur dall'agricultura san ils pertuccai secunvegnir directamein cugl impressari Josef Gall, 079 216 07 51.

Las reparaturas vid la via naven dalla Truaisch entochen la tegia da Plaun Tir vegnan exequidas naven da miez zercladur entochen la fin d'uost 2021. Igl access sin quei tschancun ei sulettamein pusseivels pil traffic plaun. Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Serrada via d'uual dalla Runca, Cavardiras–Caischavedra

Las malauras digl october vargau han caschunau donns vid differentas vias d'uual. Las reparaturas da quels donns ein urgentas e necessarias per saver garantir per tut traffic la segirtad da carrar.

Sil plazzal suenter l'Acla da Runtget entscheivan las lavurs gliendisdis, ils 17 da matg 2021 e cuozan entochen ils 18 da zercladur 2021. Per saver terminar las lavurs sil termin sto il tschancun numnau vegnir serraus pil traffic motorisau duront il temps da baghegiar. **Naven dils 17 entochen ils 28 da matg 2021 ei il tschancun serraus per tut traffic.** Gest tenor avanzament dallas lavurs sa la via silsuenter vegnir dada libra duront las fins d'jamna. En cass da viadis urgents en favur dall'agricultura san ils pertuccai secunvegnir directamein cugl impressari Ribbert AG, Marco Graber, tel. 079 247 97 01.



Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Administraziun communal

Sur Anceinza naven da **mesjamna, ils 12 da matg 2021 allas 17.00 entochen gliendisdis, ils 17 da matg 2021 allas 9.00** resta l'administraziun communal **serrada**.

Bien engraziament per Vossa capientscha.
Administraziun communal

Via Run e Via Funs-Dado

Serrada muort cuvrida fina

Muort las lavurs vid la cuvrida fina sto il traffic sin la Via Run e la Via Funs-Dado vegnir interruts, e quei mintgamai:

- mardis, ils 11 da matg 2021, naven dallas 7.30 entochen allas 18.00
- mesjamna, ils 12 da matg 2021, naven dallas 7.30 entochen allas 18.00

Duront quei temps ei igl access motorisau tier las casas alla Via Run, Via Latis e Via Funs-Dado buca pusseivels.

Aschinavon che l'aura ni las temperaturas lubeschan buca l'execuziun dallas lavurs, vegnan quellas spustadas sin pli tard.

Bien engraziament per l'enconuschientscha e capientscha.
Uffeci da baghegiar ed infrastruttura

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!
Vos Pumpiers Sursassiala

Cuntinuaziun dils Café rumantschs virtuals

Mira sut Surselva!



Societad da tir Desertina 300 m

Tir obligatori 2021 a Sedrun la Resgia

Anceinza

13-5-2021 19.00–20.00

Gliendisdis Tschuncheismas

24-5-2021 18.00–20.00

Cordialmein envida

la societad da tir Desertina
